

Հ Ա Յ Տ Ա Ր Ա Ր ՈՒ Թ Յ ՈՒ Ն

Հայաստանի Հանրապետության կենտրոնական բանկի շենքերի, շինությունների, տրանսպորտային միջոցների, սարքավորումների ապահովագրության նպատակով ապահովագրական կազմակերպություն ընտրելու համար հրապարակային մրցույթի կազմակերպման մասին

Հայաստանի Հանրապետության կենտրոնական բանկը հայտարարում է հրապարակային մրցույթ՝ Հայաստանի Հանրապետության կենտրոնական բանկի շենքերի և շինությունների, տրանսպորտային միջոցների, սարքավորումների ապահովագրման նպատակով ապահովագրական կազմակերպություն ընտրելու համար:

Մրցույթին կարող են մասնակցել Հայաստանի Հանրապետությունում գրանցված և ապահովագրական գործունեություն իրականացնելու լիցենզիա ունեցող իրավաբանական անձինք, որոնք մրցույթի հայտը ներկայացնելու պահին չունեն ժամկետանց պարտավորություններ՝ Հայաստանի Հանրապետության հարկային և սոցիալական ապահովագրության վճարների գծով:

Մրցութային առաջարկները կարող են ներկայացվել ինչպես մեկ, այնպես էլ բոլոր լոտերի համար միասին:

Մրցութային առաջարկությունները անհրաժեշտ է ներկայացնել Հայաստանի Հանրապետություն կենտրոնական բանկ՝ ք. Երևան 0010, Վազգեն Սարգսյանի փողոց 6:

Մրցութային հայտերի ընդունման վերջին ժամկետն է 2020թ. դեկտեմբերի 21-ին ժամը 16-00:

Մրցույթի հայտերի բացման օրն ու ժամն է 2020թ. դեկտեմբերի 25-ին ժամը 11-00:

Մրցույթի արդյունքների ամփոփման նիստը հրավիրվում է 2020թ. դեկտեմբերի 28-ին ժամը 16-00:

Մրցույթին մասնակցելու հրապարակային ծանուցումը հրապարակված է Հայաստանի Հանրապետության կենտրոնական բանկի ինտերնետային WEB կայքում (www.cba.am): Մրցույթին մասնակցելու ծանուցումը, ինչպես նաև լրացուցիչ տեղեկություններ ստանալու համար ցանկացողները կարող են դիմել Հայաստանի Հանրապետության կենտրոնական բանկի Ներքին ծառայությունների վարչություն հեռ. (+37410) 59-28-01, (+37410) 59-26-74:

ՀՀ ԿԲ հասարակայնության հետ կապերի ծառայություն

**Հայաստանի Հանրապետության կենտրոնական բանկի շենքերի,
շինությունների, տրանսպորտային միջոցների, սերվերային
համալիրների, սարքավորումների ապահովագրության նպատակով
կազմակերպություն ընտրելու համար հայտարարված մրցույթի
հրապարակային ծանուցում**

1. ՄՐՑՈՒՅԹԻ ԱՆՑԿԱՑՄԱՆ ՆՊԱՏԱԿԸ

1.1. Սույն հրապարակային ծանուցմամբ կարգավորվում է Հայաստանի Հանրապետության կենտրոնական բանկի շենքերի և շինությունների (Լոտ 1), տրանսպորտային միջոցների (Լոտ 2), սարքավորումների (Լոտ 3) ապահովագրման համար ապահովագրական կազմակերպություն ընտրելու նպատակով Հայաստանի Հանրապետության կենտրոնական բանկի կողմից կազմակերպված հրապարակային մրցույթի (այսուհետ՝ Հրապարակային մրցույթի) անցկացման հետ կապված հարաբերությունները:

1.2. Հրապարակային մրցույթի կազմակերպիչ է հանդիսանում Հայաստանի Հանրապետության կենտրոնական բանկը (այսուհետ՝ Պատվիրատու):

1.3. Հրապարակային մրցույթում հաղթող ճանաչված մասնակցի կամ մասնակիցների հետ Պատվիրատուն կնքում է ապահովագրության պայմանագիր, որով կապահովագրվեն Պատվիրատուի շենքերն ու շինությունները և գույքը:

1.4. Ապահովագրության ենթակա շենքերի և շինությունների, տրանսպորտային միջոցների, սարքավորումների արժեքների (ապահովագրական գումարի) վերաբերյալ մանրամասն տեղեկատվությունը, գրավոր դիմելու դեպքում, մեկ աշխատանքային օրվա ընթացքում կարող եք ստանալ ՀՀ կենտրոնական բանկի Ներքին ծառայությունների վարչությունից:

2. ՄՐՑՈՒՅԹԻ ՀԱՅՏԵՐԻ ՊԱՏՐԱՍՏՄԱՆ ԿԱՐԳԸ

2.1 Մրցույթին մասնակցելու համար Մասնակիցը Պատվիրատուին ներկայացնում է մրցույթի հայտ: Մրցույթի հայտը սույն հրավերի հիման վրա մասնակցի կողմից ներկայացվող առաջարկն է:

2.2 Մասնակիցը չի կարող նույն մրցույթին ներկայացնել մեկից ավելի հայտ, բացառությամբ սույն հրավերի 3.5 հոդվածի կամ 5-րդ գլխով նախատեսված՝ հայտի փոփոխում ներկայացնելու դեպքի:

2.3. Մրցութային առաջարկները կարող են ներկայացվել ինչպես մեկ, այնպես էլ բոլոր լոտերի համար:

2.4. Մրցույթի հայտով ներկայացվող տեղեկությունները և փաստաթղթերը ներկայացվում են երկու փակ և սուսնձված ծրարներում: Ծրարները և հրավերով նախատեսված՝ մասնակցի կողմից կազմված փաստաթղթերը ստորագրում է դրանք ներկայացնող անձը կամ վերջինիս կողմից լիազորված անձը (այսուհետ՝ գործակալ): Եթե մրցույթի հայտը ներկայացնում է գործակալը, ապա հայտով ներկայացվում է վերջինիս այդ լիազորությունը վերապահված լինելու մասին փաստաթուղթ:

2.5. Մրցույթի հայտի առաջին ծրարով ներկայացվում են միայն պայմանագրի կնքման նպատակով առաջարկվող պայմանները (մասնակցի կողմից ներկայացվող առաջարկը): Մրցույթի հայտի առաջին ծրարի վրա կատարվում են հետևյալ գրառումները.

1. « ՀՀ կենտրոնական բանկ, ք. Երևան, Վ. Սարգսյան 6 » բառերը.
2. « **Ապահովագրություն» բառերը.**
3. «ՄՐՑՈՒՅԹԻ ՊԱՅՄԱՆՆԵՐ» բառերը.
4. «ԶԲԱՅԵԼ ՄԻՆՉԵՎ ՄՐՑՈՒՅԹԻ ՀԱՅՏԵՐԻ ԲԱՅՄԱՆ ՆԻՍՏԸ» բառերը.
5. մասնակցի անվանումը, գտնվելու վայրը և հեռախոսահամարը:

2.6 Առաջին ծրարը պետք է պարունակի հետևյալ տվյալները՝

1. Մասնակցի կողմից ներկայացվող փաստաթղթերի ցանկ:

2. Ապահովագրական կազմակերպության առաջարկը պետք է պարունակի տեղեկություն՝
 - 1.1 կետում նշված Պատվիրատուի ծախսերի ապահովագրության վերաբերյալ,
3. Ապահովագրության յուրաքանչյուր տեսակի կանոնները կամ պայմանները,
4. Տեղեկատվություն վերաապահովագրական ընկերությունների մասին, որոնց հետ նա նախատեսում է համագործակցել << կենտրոնական բանկի ռիսկերի վերաապահովագրության նպատակով, ներառյալ՝ անվանումը, հասցեն, հեռախոսահամարը, կոնտակտային անձի տվյալները, միջազգային վարկանշող կազմակերպությունների կողմից վերաապահովագրողին տրված վարկանիշը,
5. Ապահովագրության յուրաքանչյուր տեսակի դեպքում վերաապահորագրության փոխանցման ծավալները,
6. Վերաապահորագրության փոխանցվող ռիսկերի չափերն ըստ 1.1 կետում նշված յուրաքանչյուր տեսակի,
7. Տեղեկատվություն նմանատիպ ծառայություն մատուցելու վերջին 3 տարիների ծավալի վերաբերյալ՝ ըստ պայմանագրերի քանակի,
8. ապահովագրության յուրաքանչյուր տեսակի ապահովագրական գումարի որոշման սեփական մոտեցումներն ու կարգը,
9. Ապահովագրավճարի (ապահովագրական սակագների) չափերը և վերջինիս հաշվարկման մեթոդը, ապահովագրավճարի վճարման ժամկետները և կարգը,
10. Ապահովագրավճարի հնարավոր զեղջերը (այդ թվում ծավալային):
11. Առաջարկվող չհատուցվող գումարի (ֆրանշիզայի) տեսակը և չափը (առկայության դեպքում):
12. Տարածքային սահմանափակումները՝ ծառայությունների մատուցման տարածքը:
13. Ապահովագրական պատահարի վերաբերյալ ապահովագրական ընկերությանը ծանուցման կարգն ու ժամկետները:
14. Ապահովագրական պատահարի դեպքում ապահովագրական հատուցման պայմանները և կարգը,
15. Ապահովագրական վնասի գնահատման կարգը, գնահատող կոնտրագենտի մասին տեղեկություններ,
16. Ապահովագրական պատահարը ք. Երևանում և մարզերում տեղի ունենալու դեպքում հատուցման կարգավորման գործընթացը,
17. Ապահովագրության պայմանագրի լուծման կարգն ու պայմանները:

2.7. Մրցույթի հայտի երկրորդ ծրարով ներկայացվում են մրցույթին մասնակցելու հրավերով պահանջվող բոլոր այլ տեղեկությունները և փաստաթղթերը:

Մրցույթի հայտի երկրորդ ծրարի վրա կատարվում են հետևյալ գրառումները.

1. "ՀՀ կենտրոնական բանկ ք. Երևան, Վ. Սարգսյան 6" բառերը.
2. **«Ապահովագրություն» բառերը.**
3. "ԶԲԱՑԵԼ ՄԻՆՉԵՎ ՄՐՑՈՒՅԹԻ ՀԱՅՏԵՐԻ ԲԱՑՄԱՆ ՆԻՍԸ" բառերը:
4. մասնակցի անվանումը, գտնվելու վայրը և հեռախոսահամարը:

2.8. Երկրորդ ծրարը պետք է պարունակի հետևյալ տվյալները.

1. Մասնակցի կողմից ներկայացվող փաստաթղթերի ցանկ:
2. Տեղեկանք ՀՀ հարկային մարմնից գործունեության վերջին ժամանակահատվածում և տվյալ պահին մասնակցի ՀՀ պետական բյուջեի նկատմամբ ունեցած պարտավորությունների վերաբերյալ (միայն ռեզիդենտների համար),
3. Մասնակցի պետական ռեզիստրի կողմից տրված վկայականի պատճեն,
4. ապահովագրական գործունեություն իրականացնելու լիցենզիայի պատճեն,

5. իր իսկ կողմից հաստատված՝ ստորագրված և կնքված Հայտարարություն այն մասին, որ մասնակիցը համապատասխանում է սույն հրապարակման ծանուցման 6-րդ հոդվածի պահանջներին, կից ներկայացնելով տեղեկություններ հիմնադիրների և գործադիր մարմնի մասին (անվանում և հասցե),
6. Մասնակցի կողմից ստորագրված և կնքված տեղեկանք՝ մրցույթի հայտը ներկայացնելու պահի դրությամբ կառավարման (գործավարման) ծախսերի մեծության, ապահովագրական պահուստների, վնասաբերության ցուցանիշի և հիմնական տնտեսական նորմատիվների մասին,
7. Մրցույթի նախավճարը հավաստող փաստաթուղթ (սույն ծանուցման 7-րդ կետ),
8. 2019թ.-ի հարկային տեսչություն ներկայացվող ֆինանսական հաշվետվությունների ամբողջական փաթեթը, (իսկ վերջինիս բացակայության դեպքում՝ ֆինանսական վիճակի մասին հաշվետվություն, համապարփակ ֆինանսական արդյունքների մասին հաշվետվություն կամ շահույթ/վնասի հաշվետվություն, սեփական կապիտալի շարժի մասին հաշվետվություն, դրամական միջոցների հոսքերի մասին հաշվետվություն) (միայն ռեզիդենտների համար):

3. ՄՐՑՈՒՅԹԻ ՀԱՅՏԵՐԻ ՆԵՐԿԱՅԱԳՄԱՆ ՊԱՅՄԱՆՆԵՐԸ

- 3.1 Մրցույթի հայտերն անհրաժեշտ է ներկայացնել Կազմակերպչին առձեռն կամ փոստային ծառայության միջոցով՝ պատվիրված նամակով: Ներկայացված մրցույթի հայտերն ընդունում է Հայաստանի Հանրապետության կենտրոնական բանկի աշխատակազմի փաստաթղթերի շրջանառության բաժինը:
- 3.2 Մասնակցի պահանջով մասնակցին տրամադրվում է ՀՀ կենտրոնական բանկի աշխատակազմի փաստաթղթերի շրջանառության բաժնի կողմից ստորագրված և կնքված համապատասխան տեղեկանք՝ մրցույթի հայտն ընդունելու մասին, որում նշվում է մասնակցի անվանումը (մասնակցի ցանկությամբ ծածկանունը), հայտի ընդունման տարին, ամիսը, ամսաթիվը, ժամը, հայտը ընդունող աշխատակցի անունը, ազգանունը և պաշտոնը: Մրցութային հայտը պատվիրած նամակով ուղարկելու դեպքում ՀՀ կենտրոնական բանկի աշխատակազմի փաստաթղթերի շրջանառության բաժնի կողմից ստորագրված և կնքված համապատասխան տեղեկանքը մրցույթի մասնակցին ուղարկվում է նամակով կամ ֆաքսով:
- 3.3 Մրցույթի Պատվիրատուն պատասխանատվություն չի կրում փոստով ուղարկված մրցույթի հայտերի՝ վերջնական ժամկետից ուշ կամ բացված տեսքով կամ այլ կերպ վնասված ստանալու համար:
- 3.4 Հրապարակային մրցույթին վերաբերող բոլոր փաստաթղթերը կազմվում են հայերեն, անգլերեն կամ ռուսերեն լեզուներով:
- 3.5 Մրցույթի մասնակիցները մինչև մրցույթի հայտերը ներկայացնելու վերջնական ժամկետի ավարտը, կարող են փոփոխել կամ հետ վերցնել հայտերը (հրաժարվել մրցույթին մասնակցելուց): Մրցույթի հայտի փոփոխությունը կատարվում է սույն ծանուցմամբ հայտ ներկայացնելու համար նախատեսված կարգով՝ համապատասխան ծրարի վրա ավելացնելով «փոփոխում» բառը: Մրցույթին մասնակցելուց հրաժարվելու դեպքում այդ մասին ծանուցումը կարող է ուղարկվել նամակով կամ ֆաքսով:

4. ՄՐՑՈՒՅԹԻ ՀԱՅՏԵՐԻ ԲԱՅՄԱՆ ԵՎ ԱՐԴՅՈՒՆՔՆԵՐԻ ԱՄՓՈՓՄԱՆ ՕՐԸ, ՎԱՅՐԸ ԵՎ ԺԱՄԸ

- 4.1 Մրցույթի հայտերի բացումը կկատարվի մրցույթի հանձնաժողովի նիստում՝ 2020թ. Դեկտեմբերի 25-ին ժամը 16-00 ք.Երևան, Վ. Սարգսյան 6 հասցեում:
- 4.2 Մրցույթի արդյունքների ամփոփման նիստը հրավիրվում է 2020թ. Դեկտեմբերի 28-ին ժամը 11-00:
- 4.3 Մրցութային հանձնաժողովը մրցույթի հայտերի բացման օրը մրցույթի մասնակիցների ներկայացրած հայտերի ուսումնասիրությունից հետո կարող է փոփոխել հրավերով

նախատեսված մրցույթի հայտերի ամփոփման օրը և ժամը, դրա մասին ծանուցելով մասնակիցներին:

5. ՀՐԱՊԱՐԱԿԱՅԻՆ ԾԱՆՈՒՑՄԱՄԲ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼԸ

5.1 Մրցույթի պայմաններում, ինչպես նաև Մրցույթի հայտերը բացելու օրվա և ժամի վերաբերյալ փոփոխություններ կատարելու անհրաժեշտության դեպքում Պատվիրատուն կատարում է համապատասխան փոփոխություններ և (կամ) լրացումներ հրապարակային ծանուցման մեջ (այսուհետև՝ հրապարակային ծանուցման փոփոխություն) և այն տեղադրում է ՀՀ ԿԲ ինտերնետային կայքում (www.cba.am):

5.2 Հրապարակային ծանուցման փոփոխությամբ թույլատրվում է կատարել ցանկացած լրացում, եթե դրանով չեն փոփոխվում մրցույթի մասին հրապարակային ծանուցման մեջ նշված էական պայմանները Պատվիրատուն հրապարակային ծանուցման փոփոխության դեպքում չի կրում Մասնակիցների կողմից կրած վնասների ռիսկը:

6. ՄՐՑՈՒՅԹԻ ՄԱՍՆԱԿԻՑՆԵՐԻ ՈՐԱԿԱՎՈՐՄԱՆ ՉԱՓԱՆԻՇՆԵՐԸ

6.1 Հրապարակային մրցույթին մասնակցող Մասնակիցը պետք է բավարարի սույն կետով սահմանված որակավորման ներքոհիշյալ չափանիշներին՝

Մասնակիցը.

ա. չպետք է դատական կարգով լինի անվճարունակ ճանաչված, չպետք է գտնվի լուծարման գործընթացում, չպետք է արգելանքի տակ ունենա պայմանագրի կատարման համար հայտով ներկայացված գույք.

բ. չպետք է մրցույթի հայտը ներկայացնելու օրվան նախորդող հաշվետու ժամանակաշրջանի վերջին օրվա դրությամբ ունենա ժամկետանց պարտքեր՝ Հայաստանի Հանրապետության հարկային և պարտադիր սոցիալական ապահովագրության վճարների գծով.

գ. կամ նրա ղեկավար մարմնի ներկայացուցիչը հայտը ներկայացնելու պահին նախորդող երեք տարիների ընթացքում չպետք է՝

1. դատապարտված լինի տնտեսական գործունեության կամ պետական ծառայության դեմ ուղղված հանցագործության համար, բացառությամբ այն դեպքերի, երբ դատվածությունը օրենքով սահմանված կարգով հանված կամ մարված է,

2. գնման պայմանագիր կնքելու նպատակով ներկայացրած լինի կեղծ տվյալներ,

6.2 Մասնակիցը համարվում է չորակավորված, եթե նրա՝ սույն ծանուցմամբ ներկայացվող որակավորման հատկանիշների մասին տվյալները չեն համապատասխանում սույն հրավերի 6.1 կետով սահմանված չափանիշներին:

7. ՀՐԱՊԱՐԱԿԱՅԻՆ ՄՐՑՈՒՅԹԻՆ ՄԱՍՆԱԿՑԵԼՈՒ ՆԱԽԱԿՃԱՐԻ ՉԱՓԸ, ՎՃԱՐԵԼՈՒ ԿԱՐԳԸ

7.1 Մասնակիցը, մրցույթին մասնակցելու համար կատարում է նախավճարի մուծում, որի չափը կազմում է 500.000 ՀՀ դրամ:

7.2 Մասնակիցն իրավունք ունի, մինչև մրցույթի հայտը ներկայացնելը, պահանջել հաստատելու մրցույթի համար վճարված նախավճարի ընդունված լինելու հանգամանքը, որին կպատասխանվի նման հարցում ստանալուց երեք աշխատանքային օրվա ընթացքում:

7.3 Մրցույթի նախավճարը ներկայացնելու դեպքում այն անհրաժեշտ է փոխանցել ՀՀ կենտրոնական բանկի N 103001702119 հաշվին, իսկ վճարումը հավաստող փաստաթուղթը ներկայացնել մրցույթի հայտի երկրորդ ծրարով:

7.4 Մրցույթի նախավճարը չի վերադարձվում և այն գանձվում է հօգուտ Կենտրոնական բանկի, եթե այն ներկայացնողը հայտարարվել է ընտրված մասնակից, սակայն հրաժարվում կամ սույն հրավերի 9.3 կետի համաձայն զրկվում է գնման պայմանագիր ստորագրելու իրավունքից:

7.5. Բացառությամբ սույն բաժնի 7.4-րդ կետում նշված դեպքերի՝ մրցույթի նախավճարը գնման պայմանագիրը կնքվելուց, իսկ մրցույթը չկայացած հայտարարվելուց կամ մրցույթի հայտը մերժվելու պահից հինգ աշխատանքային օրվա ընթացքում վերադարձվում է այն ներկայացնողին:

8. ՄՐՑՈՒՅԹԻ ՓԱՍՏԱԹՂԹԵՐԻ ՎԵՐԱԲԵՐՅԱԼ ՊԱՐԶԱԲԱՆՈՒՄՆԵՐ ՍՏԱՆԱԼՈՒ ԿԱՐԳԸ, ՏԵՂԵԿՈՒԹՅՈՒՆՆԵՐ՝ ՄԱՍՆԱԿԻՑՆԵՐԻ ՀԵՏ ԿԱԶՄԱԿԵՐՊՎԵԼԻՔ ՀԱՆԴԻՊՈՒՄՆԵՐԻ ՄԱՍԻՆ

8.1 Մասնակիցն իրավունք ունի Կազմակերպչից պահանջել մրցույթի ծանուցման պարզաբանում:

Սույն ծանուցման վերաբերյալ պարզաբանումներ ստանալու համար Մասնակիցը կարող է դիմել Կազմակերպչին: Այդպիսի պարզաբանումների պահանջները կարող են ներկայացվել ոչ ուշ, քան մրցույթի հայտերի ընդունման վերջնաժամկետը լրանալուց առնվազն հինգ աշխատանքային օր առաջ:

8.2 Պատվիրատուն պարզաբանումը տրամադրում է հարցումն ստանալու օրվանից երեք աշխատանքային օրվա ընթացքում:

8.3 Պարզաբանում չի տրամադրվում, եթե հարցումը կատարվել է սույն հրավերի 8.1 կետով սահմանված ժամկետի խախտմամբ, ինչպես նաև, եթե հարցումը դուրս է մրցույթի հրավերի բովանդակության շրջանակից:

9. Պ ա յ մ ա ն ա գ Ր Ի կ ն ք ու մ ը

9.1 Մրցույթի հանձնաժողովի որոշման հիման վրա Պատվիրատուն ընտրված մասնակցի հետ կնքում է գնման պայմանագիր: Պայմանագիրը կնքվում է գրավոր՝ մեկ փաստաթուղթ կազմելու միջոցով:

9.2 Ընտրված մասնակիցը հայտարարվելուց հետո, հինգ աշխատանքային օրվա ընթացքում Պատվիրատուն ծանուցում է ընտրված մասնակցին՝ ներկայացնելով գնման պայմանագիր կնքելու առաջարկը և գնման պայմանագրի նախագիծը:

9.3 Եթե ընտրված մասնակիցը պայմանագիր կնքելու մասին ծանուցումը և գնման պայմանագրի նախագիծը ստանալուց հետո հինգ աշխատանքային օրվա ընթացքում չի ստորագրում գնման պայմանագիրը, ապա նա զրկվում է գնման պայմանագիրն ստորագրելու իրավունքից: Այդ դեպքում Պատվիրատուն գնման պայմանագիր կնքելու առաջարկ է ներկայացնում մրցույթում երկրորդ, իսկ վերջինիս կողմից առաջարկը չընդունվելու դեպքում՝ երրորդ տեղը զբաղեցրած Մասնակցին: Պայմանագիր կնքելու առաջարկ ստացած, սակայն պայմանագիրը ստորագրելուց հրաժարված Մասնակիցը զրկվում է մրցույթի հայտի և պայմանագրի կնքման ապահովումը հետ ստանալու իրավունքից:

10. Մ Ր Գ Ո Ւ Յ Թ Ը չ կ ա յ ա ց ա ծ հ ա յ տ ա ր ա ր ե լ ը

10.1 Մրցութային հանձնաժողովը մրցույթը չկայացած է հայտարարում, եթե՝

ա) հայտերից ոչ մեկը չի համապատասխանում ծանուցման պայմաններին.

բ) ոչ մի հայտ չի ներկայացվել.

գ) մասնակիցների առաջարկած պայմանները մրցութային հանձնաժողովի եզրակացությամբ չեն ապահովում սույն ծանուցմամբ նախատեսված ծառայությունների մատուցման պայմանները.

դ) մրցույթի արդյունքում գնման պայմանագիր չի կնքվում:

10.2 Մրցույթը չկայացած հայտարարվելուց հետո արգելվում է բացել չբացված հայտերը, որոնք վերադարձվում են Մասնակիցներին:

10.3 Մրցույթը չկայացած հայտարարվելուց հետո հրապարակվում է հայտարարություն՝ նշելով մրցույթը չկայացած հայտարարվելու հիմնավորումը:

11. Գնման գործընթացի հետ կապված գործողությունները և (կամ) ընդունված որոշումները բողոքարկելու մասնակցի իրավունքը և կարգը

11.1 Յուրաքանչյուր անձ ունի բողոքարկման իրավունք, եթե հայտարարում է, որ Կազմակերպչի մրցութային հանձնաժողովի գործողությունների հետևանքով կրել է կամ կարող է կրել վնասներ:

11.2 Յուրաքանչյուր անձ իրավունք ունի՝

ա) բողոքարկել Կազմակերպչի մրցութային հանձնաժողովի գործողությունները ՀՀ կենտրոնական բանկի խորհրդին.

բ) դատական կարգով բողոքարկել Կազմակերպչի մրցութային հանձնաժողովի գործողությունները: